

Fobitro Injil Shorif 10 nombor sifara al-Ifisia Forisiti

Fobitro asmani kitabor ou sifara Allar hukume leksoin, Hozrot Isa al-Mosir sahabi Hozrot Paulus (ra:). Hozrot Isae behesto toshrif neoar onuman 27 bosor bade ikan leka oise. Allar kalam toblig korae tain ou shomoe zel kanat bondi asla.

Ifis tauno boshot korra Hozrot Isar ummotre utshaho dibar lagi tain sitir akare ou sohifa leksoin. Tain age ou tauno tin bosor roia zomat tiar korsoin. On taki bidae bala tain koisla, "Mono rakba, ami tin boros doria rait-din soukor fani falaia afnarare hushiar korter dom loisi na." (Sahabi Nama 20:31)

Ou sohifar mul boean oilo, Alla Pakor batuni munsha zair oa. Lekoke koira, Allar oada kora al-Mosir mazdi hou batuni munsha okon zair oise. Al-Mosie toshrif anar age kali Boni Israil zati asil Allar kas proza, oile tain aia hari duniar tamam zatir loge Alla Pakor milon gotaisoin. Tan nizor zan kurbania dia hoqolre ek shoman odikar faoar fot kori disoin. Ou sohifar maze fakfobitro zindegi katani ar Iblisor birudde zuddo korar kotao zanail oise.

Ermaze ase,

- (1) Salam, dua ar shukria *1 ruku*
- (2) Hozrot Isar usillae Allar noea proza *2-3 ruku*
- (3) Allar nure noea zindegi katano *4:1-6:9 aeat*

(4) Allai atiardi Iblisor loge zuddo ƙoro 6:9-24

¹ Ami Paulus, Alla Pakor morzi mafik Hozrot Isa al-Mosir eƙzon sahabi. Ifis ƙaunor maze al-Mosir torikar pak bonda ar mumın oƙolor gese ami Pauluse ou sohifaƙan lekram. ² Amrar gaibi baf Alla Pake ar Hozrot Isa al-Mosie afnara hoƙolor ufre rohomot ar shanti nazil ƙoroukka.

Hozrot Isa al-Mosir mazeu rohomot

³ Alla Pakor tarif ouk, tainu Isa al-Mosir Alla ar tan gaibi baf, ar ou Hozrot Isau amrar malik. Alla Pake to al-Mosir usillae asmanor forteƙ nomunar ruhani rohomot amrare dan ƙorsoin. ⁴ Alla Pakor dorbaro amra zate fak-fobitro ar nikut oitam fari, ou kiale tain i dunia foedar ageu, nizor maea-mohobbote al-Mosir usillae amrare fosond ƙorsoin. ⁵ Allae tan nizor morzi ar nizor kushie ageu ƙik koria raksoin, zate Isa al-Mosir usillae amrare tan afon aolad hishabe ƙobul ƙorba. ⁶ Allae ita ƙorsoin, zate tan ƙas maear zon Isar usillae amrare zoto forimane rohomot ar mohima dan ƙorsoin, otae tan tarif oe.

⁷ Al-Mosir fobitro kurbanir usillae tan lour bodla amra gunar shaza taki ƙalas faisi, amra ou mafi faisi, ita to Alla Pakor ƙas rohomot. ⁸ Ou rohomot to Allae tan ƙas aƙol-hekmote amrar ufre ɗalia disoin. ⁹ Tain age taki zelaƙan kial ƙorsila, al-Mosir mazdi zeta ƙorar niot ƙorsila, ou kial-kushir hokkol batuni befar tain amrare zanaisoin. ¹⁰ Tain to ageu oƙan ƙik koria rakсила, zate shomoe fura oia harle, tan afon morzi mafik asman-zominor hokkoltare eƙano ƙoria, al-Mosir aotae anba. ¹¹ Allae tan nizor aƙol-insaf dia nizor morzi mafik hoƙol ƙam

koroin. Tan munsha mafik tain ageu zeta tik koria rakhsila, hou munsha mafik tain amrareo fosond korsoin al-Mosir usillae tan kas bonda oar lagi. ¹² Erlagi amra zera ag takiu al-Mosir ufre borosha kortam, ou amrar mazdiu zate Allar gourob-mohimar tarif oe, ou kialeu tain amrare fosond korsoin.

¹³ Ar afnarao Allar hok kalam, mani nazator kush-kobri faia al-Mosir ufre iman anchoin. Al-Mosir ummot oae Alla Pake tan oada qora Pak Ruh dia afnaintore sil-sappor marsoin. ¹⁴ Te zeta manshore Alla Pake tan nizor shompod koia dakisoin, erare tain ekta odikar dibar oada korsoin. Erlagi zotodin forzonto era furafur kalas na oisoin, otodin forzonto ou odikaror foela kishti hishabe erare Pak Ruh dan korsoin. Ar ou hokkoltar mazdi Allar gourob-mohimar tarif oibo.

Hozrot Paulusor shukria ar munazat

¹⁵ Te Hozrot Isar ufre afnara iman anchoin ar Allar hoqol bondareu afnara maea-mohobbot korra, ou kobor ami zebila hunlam, ¹⁶ hunar bad takiu, ami afnarar lagi Allar dorbaro shukria adae qora kunu shomoeo bond korsu na. Ami zebila munazat kori, i shomoe afnaintor kota fauri na. ¹⁷ Ami Allar dorbaro aroz kori, amrar malik Isa al-Mosir Allae, zalal ar shanala gaibi bafe afnaintore ruhani aqol ar buzar kemota deukka. Teu afnara aro balamonte tanre sinba. ¹⁸ Ami aro munazat koriar, afnarar dilor souk kuli zauk, teu Allai daot faia afnarar dilor maze ze eshki foeda oise ota aro balamonte buzba. Erloge eoqano buzta farba, Allar dorbaro tan pak bonda oqol qoto boqo shompotti. ¹⁹ Ar amra zera

tan ufre iman anchi, amrar dilor maze koto boꝛo shoktie kam korer. I shokti oilo, tan kudrotor mohashokti. ²⁰ Ou shoktir boleu tain al-Mosire mora taki zinda korsoin, ar behestor arshezimo tan dainor tokto nia boaisoin. ²¹ Asmanor hokkol nomunar kemota, shashon, shokti, ar bahaduri zarar ato ase, era hokolreu tain al-Mosir tole raksoin. Ar zare ze nameu daka oe na kene, ita i zogotor ouk ba akeri zogotor ouk, hokkol namor ufre Isa al-Mosir nam. ²² Allae hokkoltareu al-Mosir aotae raksoin. Manshor mata zela tar shorilor bashsha, al-Mosire ola zomator mata, mani bashsha hishabe boail korsoin. ²³ Ar i zomat oilogi al-Mosir shoril. Zein asman-zominor hokkoltare shullo-ana furafur korsoin, ou al-Mosie zomatre furafur koroin.

2

Mora zindegi taki zita oa

¹ Tumra to guna ar naformanir maze mora aslae. ² Zogotor babor maze foꝛia tumrao ek shomoe hou naformani ar gunar fote sola-fira kortae. Ze bod ruh asmanor hokol taki shoktiala raza, hou bod ruhe naforman okolor bitre kam kore, ar tumrao hou bod ruhur murid aslae. ³ Amra hokoleu ek shomoe gunar shobabor gulam bonia, ota naforman manshor lakan zindegi kataitam. Ou bod shobab taki ze bod kaish amrar dilo aito, amra ola kam kortam. Ar ou kam-kazor lagi hota manshor lakan amra-o Allar gozobor lak aslam.

⁴ Oile Alla Pak to rohomotor bandar; tain amrare kub beshi maea-mohobbot koroin. ⁵ Erlagiu naformani kororia amra zebra mora zindegir maze

habu-đubu ҡaislam, hou shomoe al-Mosir loge tain amrare zinda ҡorla. Allar rohomote tumra rehai faiso. ⁶ Amra al-Mosir loge asi, erlagi Allae amrare al-Mosir loge zinda ҡoria, tan loge ҡori behestor bitre boaisoin. ⁷ Tain ita ҡorsoin, zate tan moha-mulloban rohomot oҡol zuge zuge siroќal deќaita faroin. Al-Mosir usillae tain amrare ze doya ҡorsoin, ou doyar mazdi tan i rohomotor ҡota zair oise. ⁸ Allar rohomote iman anae tumra nazat faiso. Ita tumrar nizor kunu amolor fol nae, ҡali Allar deoa dan. ⁹ Ita to kunu nek kamor bodla nae, zate ҡeu kunu laќan boќai ҡorto na fare. ¹⁰ Amra to Alla Pakor ator foeda. Tain al-Mosir ummot hishabe amrare hirbar noea ҡori foeda ҡorsoin, zate amra nek kam ҡori. Ou nek kam tain age takiu ik koria rakќila zate amra ola zindegі ҡatai.

Hozrot Isar hoќol ummot ek

¹¹ Zonmogoto babe tumra oilae bidormi zatir manush. Manshor at dia zarare shorilo mosolmani ҡorail oise, era ҡoira, tumra bule mosolmani ҡoraiso na. ¹² Te mono rakio, age to tumra al-Mosir ges taki horail aslae; tumra aslae Allar fosond ҡora Boni Israilor bairor manush. Allae Boni Israilor loge milonor zoto laќan usillar oada ҡorsoin, itar loge tumrar to kunu shomporko asil na. Tumrar kunu ashao asil na; tumra aslae i duniat Alla saќa zati. ¹³ Ek kotae, tumra Alla taki duroi aslae. Oile oќon Isa al-Mosir ummot oae, tan kurbanir lour usillae tumrare Allar daro ana oise.

¹⁴ Tainu amrar shanti. Israil zati ar bin zati, hokkolre tain ek korsoin. I duio zatir maze dushmonir ze oal asil, i oalre tain bangia surmar

korsoin. ¹⁵ Ar solibor ufre nizor kaere kurbania dia, tain Musa nobir shoriotor hoqol hukum-ahkam ar ain-kanunor kemotare batil korsoin. Tan ila korar karon oilo, tain saila, ou duiota dia tan nizor noea ek zati foeda korta, zate ou zatir mazdi i duio dolor maze shanti oe. ¹⁶ Ar tain saila, solibor ufre tan nizor zan kurbanir usillae, ou duio dolre tain ekano korria Allar loge milon goaita. Erlagi ou duio dolor maze dushmonir ze bab asil, i dushmonire tain ekkebare mitai disoin. ¹⁷ Tumra ek shomoe Alla taki duroi aslae, ar Boni Israil oqol kasat asla, okon tain aia ou duio dolor geseu shantir kush-kobri toblig korsoin. ¹⁸ Er fole tan usillae amra duio dol Pak Ruhur mazdi, amrar behesti baf Alla Pakor dorbaro azir oitam fari.

¹⁹ Erlagiu tumra okon bairor manush nae, bin zatio nae. Borong Allar kas bonda okolor loge tumrao Allar bashshai ar tan foribaror shodoishsho bonigeso. ²⁰ Sahabi ar nobi oqol oila tan goror kuqi, ar Hozrot Isa al-Mosi oila mul ian kuqi. Ou kuqir ufreu tumrare goqa oise. ²¹ Al-Mosir loge zuqa lagae, asta goror hoqol ongsho ekloge milia ekon fobitro gor tiar oise. ²² Tumrao aia tan loge zuqa lagso, mani tan ummot oiso, Erlagi tumrareo ekloge gorria tula or, zate Pak Ruhur mazdi i goror maze Allar boshot kana oe.

3

Bin zatir lagi Hozrot Paulus

¹ Ou qarone ami Pauluse Allar dorbaro dua koriar. Ar tumra zara bin zati, tumrare Isa al-Mosir torikar daot deoar lagiu ami okon zelo bondi oisi. ² Tumra nichoe huncho, Allae amare ou kas daeitto disoin, tan rohomotre ami tumrar ato fosai ditam. ³ Allae tan nizor batuni munsha ohir mazdi amare zanaisoin, ar ou befarqan ami tumrar gese shongkefe lekham. ⁴ Ikan forle tumra buzbae, al-Mosir befare ou batuni bishoe buzar kemota amar ase. ⁵ I batuni befarqan sahabi ar nobi okolor gese zela Pak Ruhur mazdi okon zair or, agor zomanar kunu manshor geseu ila zair oise na. ⁶ Ar i batuni befar oilo, Injil shorifor kush-qobrir mazdi bin zati okolo Isa al-Mosir loge ek oia, Boni Israilor loge Allai odikaro shorik oe, hoqol ek shorilor ongsho oe, ekoi oadar duar bagi oe. ⁷ Allae tan moha kudrotor bole amare rohomot dan qorsoin, ar zela rohomot faisii, ola kush-qobri tobligor daeitto adae qorram.

⁸ Allar hokkol bondar maze ama taki huru ar keu nai, ta-o al-Mosir ze donor qota shulloana buza zae na, ou mulloban donor kush-qobri bin zatir gese tobligor daeitto amar ufre disoin, itau Allar rohomot. ⁹ Ar tan batuni munsha kila qamo lagail zae, ikan zair qorar baro tain amar ufre disoin. Zein asman-zomin hokkolta foeda qorsoin, hou Allae otodin doria ita batuni rakhsila. ¹⁰ Tain ita batuni rakhar qaron oilo, asmanor hoqol raza ar kemota-ala hoqolor gese, Allar nanan nomunar aqol-hekmot al-Mosir zomator mazdi okon kula-mela oe. ¹¹ Tan nizor siroqalor munsha mafik ita oise, ar ou munsha-morzi amrar malik Isa al-

Mosir mazdi fura korsoin. ¹² Tan loge shorik oia imanor bole, bukut shaosh rakia Allar samne amra azir oar ektiar fais. ¹³ Erlagi ami tumrare minot koriar, ami duk-mosibot shoiijo koriar dekia tumra nirash oio na. Ita to tumrar lagiu shoiijo koriar, erlagi gourob koro.

Mumin okolor lagi munazat

¹⁴⁻¹⁵ Te asman-zominor hoqol zandarre zein foeda korsoin, ami atu garia hou batuni bafor samne munazato boisi. ¹⁶ Ami dua kori, Allae zanu tan oshesh kudrotor bole tumrare omon bol-shokti dein, zate Pak Ruhur mazdi tumrar dil mozbut oe, ¹⁷ ar imanor usillae al-Mosie tumrar dil furafur doqol koroin. Ami dua kori, tumra zanu Isa al-Mosir mohobbotor maze furafur dub dia tir ro. ¹⁸ Teu hoqol pak bonda okolor loge tumrao buzbae, al-Mosir mohobbotor kunu kul-kinar nai, kunu shesh-shima nai. ¹⁹ Ou ze mohobbot furafur buzar oshaiddo, ami dua koriar, i mohobbotre zanu tumra sino, sinia hari tumrao Allai hoqol nomunar gunagun hasil koria furafur kamil o.

²⁰ Ashole Allar ze kudroti bole amrar dilor maze kam kore, hou bolor usillae amrar sintababna ba saoa-faoa taki aro bout beshi kam tain korta faroin. ²¹ Hozrot Isa al-Mosir mazdia ar zomator mazdiao zug zug dori hor-hamesha Alla Pakor tarif ouk. Amin.

4

Ekoriao nanan kam

¹ Amar malik al-Mosir lagi ami zelo bondi asi. Ou bondi halote ami tumrare minot koriar, ze

ḡamor lagi Allae tumrare daot disoin, tumra er ufozukto oia solo. ² Tumrar asar-bebohar zanu furafur miṭa ar norom oe. Forteḡe sobor ḡoro ar dilo mohobbot rakia eḡe-oinnore shoiḡjo ḡoro. ³ Al-Mosir ze shantie amrare eḡano zuṙa lagaise, hou shantir bole Pak Ruhur deoa eḡota rokkar lagi dile-zane seṣṭa ḡoro. ⁴ Allae tumrare tan fote daot disoin ḡoria tumrar maze ḡali eḡan asha ase, ḡali eḡ shoril ar eḡzon Pak Ruh asoin. ⁵ Eḡ iman, eḡ torikabondi ar eḡzon malik asoin. ⁶ Hoḡolor Alla ḡali eḡzon, mani behesti baf eḡzonu asoin. Tainu hoḡolor ufre, hoḡolor maze, hoḡolor dilo asoin.

⁷ Oile al-Mosie zela ṭik korja rakṣoin, hou mafik amra forteḡe ḡas rohomot faisi. ⁸ Erlagi Zobur Shorifo leḡa ase,

Tain gia zebra behesto uṭila,
ou shomoe bondi oḡolre bandia ṭania nila,
ar tan manshore bout dan dila.

⁹ Te behesto gia uṭila, i aeat taki buza zae na ni, age tain duniar tole lamsila. ¹⁰ Ar zein lamsila, tain hoḡolta furon ḡorar lagi, asman taki aro ufre gia uṭisoin. ¹¹ Tain manshore ou dan disoin, ḡoezonre sahabi, ḡoezonre nobi, ḡoezonre kush-ḡobrir toblig, ḡoezonre zomator imam ar ustad hishabe boail ḡorsoin. ¹² Tain ila ḡorar ḡaron oilo, Allar pak bonda oḡole zanu tan ebadot-bondegi ḡorar lagi zuit oe, ar ou nomunae al-Mosir shoril, zomat hishabe ḡoria uṭe. ¹³ Tan kial oilo, amra hoḡole zanu Allar ḡas maear zon, Ibnnullar ufre iman ania, tanre bala ḡori sinia eḡano oi. Ar al-Mosi zela hoḡol

laḡan gune furafur bora, amra-o ola hoḡol gune furafur oia kamil oi. ¹⁴ Teu amra ar huruttar laḡan roitam nae. Manshe shoetani aḡol ḡaṡaia be-fote nibar lagi manshore ze bul talim dey, ou bul talime zanu amrare fanir aula-zaula deur laḡan du-dila na banae. ¹⁵ Borong amrar dilor mohobbote hok mat matimu, hoḡol nomunae boḡo oia al-Mosir laḡan oimu. Tainu to asta shorilor mata. ¹⁶ Asta shoril omola banail oise, zate shorilor hoḡol ongo zarzir zagat roia mul ḡaeer loge zuḡa lagail roe. Forteḡ ongo zebila ṡik-ṡak kam ḡore, ou shomoe asta shorilu matar bole baḡia uṡe, ar mohobbotor mazdi nizore ḡoḡia tule.

Furan zindegi bodlao, noea o

¹⁷ Erlagi ami amar malikor name tumrare hushiar ḡori diar, bin dormor manshe zela baze sinta ḡoria zindegi ḡaṡain, tumra ar ila zindegi ḡaṡaio na. ¹⁸ Tarar dil to andairor maze foḡi roise. Itar dil gumra, erlagiu tara Allar befare kunta sine na, kunta sinto saeo na, erlagi Allar deoa zindegi taki tara bout duroi. ¹⁹ Tarar bibeḡ oshaḡ oigese, otar dae hor-hamesha nafaki ḡamor danda ḡore, tara nizor zindegire lagam sara bod ḡaishor ato saḡi dise.

²⁰ Oile tumra to al-Mosir befare ilaḡan talim faiso na. ²¹ Tumra nichchoe tan befare huncho, hunia tan loge shorik oia, tan maze ze hok ase, ou hokor talim faiso. ²² Tan talim oilo, finnor furan ḡafoḡ manshe zebila ekkere falai dey, ou laḡan tumrar bitoror furan 'ami're ekkebare falai deo, ḡaron ou 'ami'r bod ḡaishe manshor zindegire borbad ḡorilae. ²³ Er bodla Alla Pakre

shuzug deo, tain tumrar dilre noea halote gořia tuloukka, ²⁴ tan deoa noea 'ami're noea řafořor lařan findo. Ou noea 'ami're ashol hok-forezgari ar fak-fobitro řoria Allar surote gořa oise.

²⁵ Erlagi tumra misa mata bad deo, eķe-oinne hasa mato, řaron amra hořolu eķe-oinne mishia asi. ²⁶ Rag-gusa řorleo i ragor lagi guna řorio na, shuruz řubar ageu gusar řota faurilao, ²⁷ Iblis-shoetanre kunu shuzug dio na. ²⁸ Sure tar suri řora bad deuk, nizor ate halal fote menot řoria řana řauk, zate tar řaoa-findar badeo gorib-dukire dibar lagi kisu zoma roe.

²⁹ Tumrar mukdi zanu bad řota na baroe, borong arořzonor ufořari talimor lagi bala mat matio, zate ita hunia hunra zonor balai oe. ³⁰ Tumra Allar Pak Ruhre duk dio na, aķeri nazator ag forzonto ou ruh diau Allae tumrare sil-sappoř maria toisoin. ³¹ Hořol nomunar birokta bab, mizaz deķani, rag-gusa, sillaia řaiija řora, gala-gali, ar hořol nomunar ingsha-ninda tumrar ges taki horailao. ³² Borong tumra eķe-oinne doya řoro, oinnor duke duki o, al-Mosir mazdi Allae zela tumrare maf řorsoin, tumrao ola eķe-oinnore maf řoro.

5

Allar nure noea zindegi řařao

¹ Tumra to Allar maear aolad, te fut zela bafor lařan oe, tumrao ola o. ² Al-Mosie zela amrare mohobbot řorsoin, tumrao ola maema-mohobbotor fote solo. Tain amrare basaita řori nizor zanre kuřboedar kurbanı hishabe Allar name bilai disoin.

³ Kunu nomunar zina, nafaki ar lub-lalosoŕ
 ƙota tumrar maze zanu na huna zae, ƙaron
 ita ƙam Allar pak bondar lagi ƙik nae. ⁴ Ar
 behaea-beijjotir zekunu mat-ƙota, asar-bebohar
 ba ƙobisi ƙaƙƙa-moshkora zanu tumrar maze na
 oe, itae tumrare manae na. Itar bodla Allar
 shukur-guzar ƙoro. ⁵ Tumra to zano-u, zinakur,
 nafaƙ ar lalchi manshe, Alla Pak ar al-Mosir
 bashshair maze kunu zaga faito nae. Itae to eƙ
 laƙan murtifuza ƙorra. ⁶ Hushiar roio, misa mat
 matia ƙeu zanu tumrare be-fote na ney, Allar
 naforman bonia zera ita bod ƙam ƙore, tarar
 ufre Allar gozob lame. ⁷ Tumra ilaƙan manshor
 loge mishio na, ⁸ ƙaron tumra age andarir maze
 taƙleo okon to al-Mosir ummot bonia nuror foto
 aiso. Erlagi Allar nure kamil zone zela zindeg
 ƙaƙani usit, tumra oula solo. ⁹ Ar nure solar fol
 oilo, forezgari, shotota, hoƙol nomunar nek kam.
¹⁰ Erlagi ze ƙame malik kushi oin, tumra zasai
 ƙoria ou ƙam ƙoro. ¹¹ Andair zogotor befaeda
 ƙamor loge kunu nomunar shomporko rakio na,
 borong tumra otar dush deƙai deo. ¹² Manshe
 lukaia zeta ƙam ƙoroin, ita befare kunta matao
 shorom. ¹³ Nuror mazdi dush deƙaia dilaile ita
 zaira oizae, ¹⁴ ƙaron ou nureu hoƙolta zair ƙore.
 Erlagi silleƙ ase,

O gumor manush, hozag o,
 mora taki zita o,
 teu al-Mosir nure,
 nurani ƙoriba tumare.

¹⁵ Tumra sinta-babna ƙori deƙo, tumrar sal-

cholon kilakan. Be-aqolor laqan na solia, aqoldaror laqan solo. ¹⁶ Nek kam qoror ze shuzug tumrar ato ase, ita shullo-ana qamo lagao, zano to oqonkur zomana qaraf. ¹⁷ Erlagiu qoiram, tumra be-aqol bonio na, borong malikor morzire buzo. ¹⁸ Modor nishae tal oio na, itae zindegi nosto qorilae. Borong furafur Pak Ruhur boshe ro, ¹⁹ tumra hamd, qaoali ar Fobitro Zobur Shorifor gozol gaia eke-oinne batchit qoro; tumrar dilor bitre malikor name gozol gao. ²⁰ Hamesha hoqol befare amrar malik Isa al-Mosir name behesti baf Allar shukria adae qoro.

Zamai-bour befare talim

²¹ Al-Mosir ijot ar qore tumra eke-oinnore dil taki mainno qoro. ²² Tumra zera bou oiso, tumra zela malik Isare mainno qoro, ou laqan zarzir zamaire mainno qoro. ²³ Qaron al-Mosi zela zomator, mani tan shorilor mata, zamaio ola bour mata. Ashole al-Mosiu ou asta shorilor toraneala. ²⁴ Ar zomat zela al-Mosir zimmae ase, oula bou oqolo hoqol befare zamair zimmae roa usit.

²⁵ Tumra zera zamai oiso, huno, al-Mosie zela zomatre mohobbot qorsoin, tik olaqan tumrao zarzir boure mohobbot qorio. Tain to zomator lagi tan nizor zan kurhani disoin. ²⁶ Tan kial oilo, tain zomatre fobitro qoror lagi, tan kalamor mazdi manshore torikar gusol qoraia, ²⁷ nuror mohimae nizor samne azir qora. Ou shomoe zomator maze kunu qolonkor dag, kut ba ila kuntu roito nae, ita fak-fobitro ar nikut oibo. ²⁸ Erlagi zamaie tar nizor shorilre zela maea

ķore, ťik tar boureo oula maea ķora forz. Nizor boure maea ķorar mani oilo, nizor shorilre maea ķora. ²⁹ Őeu to kunu shomoe tar nizor shorilre ginnae na, hoķoleu zarzir shorilor boron-fushon ķore. Ekkere ou laķan, al-Mosieo tan zomator boron-fushon zugain. ³⁰ Őaron amra tan shorilor ongo. ³¹ Allar kalamo leķa ase, "Erlagiu beķainte ma-bafore saŗia bour loge taķba, tara duiozon eķ shoril oiba." ³² Ikan oilo bout boŗo batuni befar, ashole ami to al-Mosi ar tan zomator befare ķoiram. ³³ Zai ouk, tumra hoķoleu zarzir boure nizor laķan maea ķorio, ar bou oķoleo zarzir zamaire ijot ķora zorur.

6

Ma-baf ar aolador befare talim

¹ O aolad oķol, malikor morzi mafik tumrar ma-bafor ķotamoto solio, ar ola solaŗau to usit. ² Allar kalamor foela hukum, ze hukumor loge furushkaror oada ase, iŗa oilo, "Tumar ma-bafore ijot ķorio. ³ Teu tumar balai oibo, ar i duniat tumar haeati baŗibo." ⁴ Te tumra zera huruttar baf oiso, tumrao nizor aoladre sataio na, borong malikor talim ar shringkolar mazdi tarare manush banao.

Gulam ar munibor lagi talim

⁵ Tumra zera gulam, tumra al-Mosir zela baiddo, oula đor ar tazime dile-zane tumrar zogotor munib oķolor baiddo roio. ⁶ Őali manshore kushi ķorar niote munibor samne baiddo roio na, borong al-Mosir gulam hishabe dile-zane Allar morzi mafik solrae ķoria tumrar munibor baiddo roio. ⁷ Tumra ikan mono ķorio

na ze, tumra manshor kezmot korrae, borong asmani malikor kezmot korrae mono korია, zogotor munibor kezmoto kiali o. ⁸ Mono rakio, malikor ges taki fortek manshe zarzir nek kamor furushkar faibo, he gulam ouk ba azad ouk.

⁹ Tumra zera munib, tumrao tumrar gulam okolor loge oula bala bebohar koro. Tarare dor dekani bad deo, karon tumra to zano, tara ba tumra hokoloru malik ekzon, tain behesto asoin; tan nozoro hokolu shoman.

Allai atiardi Iblisor loge zuddo koro

¹⁰ Hesh-mesh koiram, tumra asmani malikor loge milia roia tan kudroti bole bolala o. ¹¹ Zuddor lagi Allar deoa hokol nomunar atiar lagao, teu Iblisor hokol sol-soturir birudde mozbut oia ubaitae farbae. ¹² Amrar ou zuddo to kunu manshor loge nae, ita oilo andair zogotor hokol raza ar tar kemota-ala okolor birudde, andair zogotor shoktiala bod ruh okolor birudde, ar asmanor Iblis-shoetan dolor birudde. ¹³ Te ou zuddor lagi tumra Allar deoa hokol nomunar atiar findilao, zate Iblise zebila hamla korbo ou shomoe mozbut oia ubaitae faro, ar hesh-mesh tir roitae faro. ¹⁴ Erlagi Allai hokikotir belt komoro bando, ar buk basanir lagi forezgarir amol dia buk guria rako, ¹⁵ sifai okolor lakan duio fao-o zuta lagao, zate shantir kush-kobri tobligor lagi zuit taktae faro. ¹⁶ Ar sifai okole nizore basanir lagi ze dala bebohar kore, oula hokol shomoe tumra imanor dala ato lo, ou dala dia Iblisor hokol zalail tir nibaitae farbae. ¹⁷ Matare basanir lagi Allar deoa nazat sifair

kefor lakan findilao. Ar Pak Ruhur toluar mani, Allar kalamre mozbut kori doro.

¹⁸ Pak ruhur bole dile-zane hor-hamesha munazat koro. Erlagi hozag roia hoqol pak bonda okolor lagi shob shomoe munazat korat roio.

¹⁹ Amar lagio dua korio, ami kota matar bala zanu Allae amar mukor buli zugai dein, zate toblig korar shomoe ami shaosh qataia kush-qobrir ashol batuni bed manshore buzaitam fari.

²⁰ Ou kush-qobri tobligor lagi luar cheindi banda haloteo ami al-Mosir naib hishabe kam korram. Te zelor maze roia zelaqan shaosh qataia toblig kora zorur, dua korio, ami zate ola qortam fari.

Bidaei dua

²¹ Amar hal-hokikot kilakan ar amar dinqal kila zar, ita amar mae ar dust Tukik bair ges taki hunbae. Ein amrar malikor hok-halal kezmotqari. ²² Ami tanre tumrar gese faqailam, tumra tan muk taki amrar qobora-qobor hunbae, tain gia tumrare utshaho diba.

²³ Amrar gaibi baf Alla Pake ar Hozrot Isa al-Mosie, mumin bai okolre shanti ar imani maeamohobbote raqoukka. ²⁴ Amrar Hozrot Isa al-Mosir lagi zarar dilo qati mohobbot ase, era hoqolor ufre Allar rohomot nazil ouk. Amin.

Sylheti New Testament (Latin)
Sylheti: Sylheti New Testament (Latin) New
Testament+

copyright © 2014 Ahle Kitab Society

Language: (Sylheti)

Contributor: The Seed Company

All rights reserved.

2020-11-30

PDF generated using Haiola and XeLaTeX on 22 Feb 2024 from source
files dated 29 Jan 2022

2eb27397-6d35-5c13-b811-aecd7920507c